

Rocker

Schtärneföifi

Strophe 1

E
Bim Bahn-hof schtaht bim Wurscht-schtand män-gisch ganz en ti-cke Ro-cker

E D E
Er schimpft u-me und trinkt Bier, all

D A E
Vier-tel-schtund eis lo-cker Es paar Lüüt händ chli Angscht vor däm,

E D E
a-ber mir isch's glich Ich weiss ja, was er gärn hät: Va-nille-

D A
pud-ding, gnau wie'n ich Al-li

Refrain

D C G
Ro-cker händ gärn Zu-cker, drum sind Ro-cker meisch-tens tick Män-gisch

D C G
müend's so-gar zum Tok-ter, wo's in Wald go tschog-ge schickt

Rocker

Strophe 2 Wänn öpper immer gfürchig tuet, dänn sött me nöd verschrecke
Au en Rocker mues go poschte und cha sich deet nöd verschtecke
Me gseht em i sis Chörbli ie, deet hät's nöd numme Bier
Me gseht dass er sich au no sehr für Süesses intressiert

Refrain Alli Rocker händ gärn Zucker, drum sind d'Rocker meischtens tick
Mängisch müend's sogar zum Tokter, wo's in Wald go tschogge schickt

Strophe 3 Jede Mänsch hät e Verdauig, das gilt au für Rocker
Und wänn er Durchfall hät, dänn wäscht er nöd nur sini Socke
Me gseht en ohni Hose vor de Wöschufhänki sctah
Und sini Zäh, die butzt er mit Erdbeer-Zahpaschta

Strophe 4 Wänn öpper immer gfürchig tuet, dänn sött me das nöd glaube
Au de gfürchigscht Räuber cha nöd immer Lüüt uusraube
Mängisch mues er öppis ässe, mängisch liit er chrank im Bett
Und mängisch isch er eifach froh, wänn öpper mit em redt

Refrain Alli Rocker händ gärn Zucker, drum sind d'Rocker meischtens tick
Mängisch müend's sogar zum Tokter, wo's in Wald go tschogge schickt

Alli Räuber händ gärn Süesses, Schoggichueche, Pfirsichwii
Wänn eine mal chli Gmües isst, git's no Pudding hinedrii

Polizischte sind kás bitzli besser, die gönd au zum Guetzlischtell
Chaufed Cremeschnitte zum Dessert, Gugelhopf und Vermicelles